

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

- 1. Imarsiornermut inatsit nunatsinni atuutilersinneqarnissaa pillugu suliaq ullumikkut qanoq inissisimava, tassunga ilanngullugu inatsisit pingasut taaneqartut kiisalu nalunaarutit 25-it missaaniittut, Naalakkersuisut siusinnerusukkut akissuteqaataat, § 37 pillugu apeqqut 2024-122-imut akissuteqaammi, Kunngip peqqussutaatigut atuutilersinneqarnissaat piareersarneqartoq ullumikkut qanoq inissisimava?**
- 2. Qaqugu Naalakkersuisut naatsorsuutigaat suliaq tamanna naammassineqassasoq Inatsisartuniillu isummerfigineqarlunilu aalajangiiffigineqassava?**
- 3. Aalisartut kiisalu kilisaatersortut “namminersortuusaarlutik” ingerlatsisut amerliartuinnarnerat pillugit Naalakkersuisut Imarsiornermut Aqutsisoqarfik (Søfartsstyrelsen) peqatigalugu tamanna oqaloqatigiissuteqarfigaa?**
- 4. Naalakkersuisut qanoq iliuuseqarniarpat tamanna pinngitsoortinniarlugu kiisalu nunatsinni imarsiortut pisinnaatitaaffeqarnissaat illersorneqarnissaallu qulakkeerniarlugit?**

(Inatsisartunut ilaasortaq Kuno Fencker, Naleraq)

Tunngavilersuutit:

Naalakkersuisut allakkatigut akissuteqaataat § 37 naapertorlugu apeqquteqaat nr.2024-122. (nalun. nr 2024-11982, ulloq 13.juuni 2024) saqqummiunneqarpoq.

Imarsiortut sulinerannut inatsillu qanoq inissisimanerannut pillugit. Paasinarsivoq, imarsiornermut oqartussaasut kiisalu Imarsiornermut Aqutsisoqarfik (Søfartsstyrelsen) peqatigalugit suleqatigiinneq aallartinneqarsimasoq kunngip peqqussutaasigut, tamannalu pissasoq Kalaallit Nunaanut naleqqussarsimasunik.

Taamaattorli piffissap ingerlanerani aalisarnerup iluani ernumanartumik ineriartortoqarpoq, tassami umiatsiaararsorlutik aalisartut namminersortuaqqat amerliartuinnarmata, ilaatigut taaneqarsinnaasut “namminersortuusaartut”. Tamanna tunngaviusumik imarsiortunut pisinnaatitaaffiik annaasaqartitsivoq ilaatigut ima kinguneqartitsilluni:

- Isumaginninnermi tapiissutinik soorlu napparsimalernermi tapiissutit, ileqqaarsiassanik aammalu sulinngiffeqarnermut akissarsianik pissarsisinnaannginneq.
- Isumaqatigiinniarnernut imaluunniit kattuffinnut sinniisoqarnissamut pissarsisinnaannginneq.
- Sulinermi peqqissutsimut isumannaallisaanermullu malittarisassanik aammalu umiarsuaatileqatigiiffinnut isumannaallisaanermut pisussaaffinnik peqannginneq.
- Aningaasaqarniarneq tunngavigalugu sulisartutut nalinginnaasutut sulipput, pisinnaatitaaffitigulli naligiingissuseqarlutik.

Ersarissumik inatsiseqannginneq pissutigalugu taamak ingerlariuseqartoqaannarnissaa naleqqutinngilaq. Naalakkersuisut nalunaaruteqartariaqarput tamanna pillugu qanoq iliuuseqartoqarniarnissaanut, kalaallit imarsiortut illersorniarlugit nunatullu aalisartunut akisussaaffeqarnera qulakkeerniarlugu. Suliap ingerlanerani imarsiortut inatsiseqalernissaata tungaanut pineqartut eqqunngitsumik pineqartarnerat piaartumik unitsinniarlugu qanoq iliuuseqartoqarsinnaava?.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.